

# Mahathir akan rasmikan persidangan Automatif Asean Jumaat

**KUALA LUMPUR, Selasa** — Timbalan Perdana Menteri Datuk Seri Dr. Mahathir Mohamed akan merasmikan Persidangan Persekutuan Automatif ASEAN (AAF) Ketiga selama dua hari mulai 17 Oktober ini di Pulau Pinang.

Kira-kira 70 delegasi dari pemimpin-pemimpin perniagaan dan pakar dalam perindustrian automatif negara-negara ASEAN dijangka menyertai persidangan itu.

Nalib Pengerusi Persekutuan Automatif Malaysia, (AFM), Encik Paul Low Seng Kuan berkata, tujuan persidangan itu untuk mengenali komponen-komponen tambahan bagi pemasangan barang-barang perindustrian tersebut.

Semasa persidangan kedua yang diadakan di Jakarta pada bulan Oktober 1978, 132 jenis komponen telah diiktiraf dan disahkan oleh Menteri-menteri Ekonomi ASEAN.

Dalam perjanjian pertama, Malaysia dikehendaki mengeluarkan komponen untuk lantai kereta, Indonesia untuk injin diesel yang mempunyai kuasa 80 hingga 135 HP, Singapura mengeluarkan universal joints, Negeri Thai mengeluarkan kereta jenis komersial yang berat lebih satu tan dan Filipina dengan badan kereta jenis Ford.

Persidangan ketiga ini akan juga membincangkan bagaimana sektor swasta boleh membantu kerajaan berbagai negara tersebut mempercepat perbincangan perjanjian pertama.

Dalam persidangan ini, difahamkan Malaysia akan mencadangkan mengeluarkan lampu jenis headlights untuk kereta bermotor, Filipina akan mengeluarkan 'heavy duty rear excels', Singapura dengan pam penyedut minyak, Indonesia dengan sistem pengacau dan Negeri

Thai dengan klang pembuat kaburetor.

AAF yang ditubuhkan dalam tahun 1976 merupakan kelab perindustrian pertama yang mempunyai tujuan-tujuan selaras dengan Dewan Perniagaan, Perdagangan dan Perindustrian ASEAN.

Antara tujuan-tujuannya ialah mencari jalan menambahkan kerjasama antara industri-industri motor di negara ini.

Bahan asal dari Arkib  
Negara Malaysia

N  
N